

### **Atividade tuir grupu**

**1. Buka publisidade (anúnsiu ba públiku, spanduk, ba trázitu) oin rua-tolu besik Liceu, no hasai foto. Hakerek data, oras ho fatin ne'ebé mak ita hasai foto hirak ne'e. Publisidade ne'e tenke tuir kritéria ne'e:**

- Iha testu, dezeñu, emblema, ka símbolu.
- Iha fatin públiku, hanesan iha estrada, didin-lolon, kantor, restaurante.
- Di'ak liu publisidade ne'e iha mós nia istória ruma ne'ebé ita bele kompriende no konta fali.

**2. Lori foto hirak ne'e fila fali hodi hatudu ba ita nia kolega**

**Halo diskusaun:**

- Fatin: Ita hetan publisidade ne'e iha ne'ebé?
- Sé mak halo? Halo hori-bainhira?
- Hakerek ba sé?
- Hakerek ho objetivu saida?

**3. Deskreve língua ne'ebé mak uza:**

- Uza língua ne'ebe?
- Uza lian ofisiál ka? Uza lian nasionál ka?
- Lian formál (hanesan eskola nian) ka lian informál (loro-loron nian)?
- Uza letra oinsá? (Ita hatene letra ne'e ka lae)?
- Se iha lian rua ka liu, ida ne'ebé mak uluk, no ida ne'ebé mak hakerek boot liu? Iha ida uza letra boot (kapitál), ida seluk letra ki'ik ka lae?
- Linguajen ne'e loos ka iha sala?
- Ortografia, pontuasaun, letra boot/ki'ik uza ho lo-loos ka lae?
- Vokabuláriu, estrutura fraze, prefiksu/sufiksu oinsá?
- Kahur língua ka lae? Halimar ho liafuan ka lae?

**4. Hanoin to'ok kona-ba signifikadu iha kontestu:**

- Ita hatene saida kona-ba publisidade ne'e nia fatin: nia aspetu sosiál, kulturál ho polítika?
- Publisidade ne'e iha signifikadu ka lae?
- Publisidade ne'e refere ba tempu uluk ka, tempu agora ka, futuru ka, la hatudu ba tempu ida?

**5. *Indexicality*:**

- Publisidade ne'e hatudu ba situasaun ruma, asuntu sosiál ka polítika ruma ne'ebé mak importante, problema sosiál, ema ida ka grupu ida, eventu ruma, fonte seluk ka istória ruma?